

軍機大臣 字寄同治八年二月初五日奉

上諭戶部奏遵查各省釐金酌定添撥西征軍餉並請飭各省整頓釐金各摺片左宗棠前請援年籌撥陝甘實餉四百萬兩現據戶部將各省釐金核明通盤籌計奏請酌量添撥西北餉源素絀本仰給於東南陝甘現又軍務方殷自不得不寬為籌備即著照戶部所議安徽省除接濟鄭寶昌餉需軍火外無論釐金捐輸項下著吳坤修每月添協陝甘餉銀二萬兩每年共添協銀二十四萬兩浙江省除每月原協左宗棠軍餉銀七萬兩外著李鴻章每月再添協陝甘軍餉五萬兩每年共添協六十萬兩該省每年協濟雲貴軍餉十餘萬兩仍著照常籌解該撫前奏每月再各撥五千兩即著毋庸添撥其應協山西清淮各餉不得藉口停免該撫當將該省防兵如何裁遣或酌補兵額之處認真籌辦以節經費現辦塘工捐輸及外省收捐分局仍著照舊辦理毋庸議改湖北省每月除原協陝甘各餉外著李鴻章郭柏蔭每月再添撥陝甘軍餉銀四萬兩每年共添撥銀四十八萬兩該省歲入各款較前征收短少該督等隨時逐款整頓並將用款酌量緩急以資周轉本省及外省捐輸仍著照常辦理毋庸改議江西省除地丁項下每月原協陝甘軍餉銀二萬兩外著劉坤一每月再添撥陝甘軍餉銀四萬兩每年共添撥銀四十八萬兩江西釐金仍須認真經理毋令減色福建省除每月原協陝甘餉銀四萬兩照常辦解外著英桂下寶璽每月再添撥陝甘協餉四萬兩每年共添撥四十八萬兩江蘇省除曹國藩前奏由該省每月協濟陝甘軍餉十萬兩每年共壹百貳拾萬兩照數按月批解外著馬新貽丁日昌每月再添協陝甘餉銀叁萬兩每年共撥添叁拾陸萬兩該省釐金仍當整頓其各屬捐輸著照常勸辦毋庸議改至留防直東江鄂各軍食並尚鉅應如何漸次裁減著會同李鴻章妥籌辦理至瑞麟前奏廣東省提存釐金五成協撥外省軍餉未據酌定准數著瑞麟李福泰於原協陝甘餉銀叁萬兩每月照舊籌解外每月再添撥陝甘餉銀叁萬兩每年共添撥叁拾陸萬兩該省添支各項經費著瑞麟等力求撙節以省虛糜其本省及外省

捐輸事宜仍著照舊辦理以上添撥銀兩著該督撫等自本年正月始一律照數籌撥遇閏加算按月各解交湖北省陝甘後路糧臺交收均不准稍分畛域偶有蒂欠致誤要需該督撫等總當顧全大局妥速籌解左宗棠於接到餉銀時著按照陝甘兩省缺餉多寡分別接濟勻撥以昭公允其各省原協陝甘各路軍營餉項均著照舊支應毋稍牽混各該省報解陝甘新舊撥款及左宗棠劉典穆圖善等營收到各省撥款並各路捐局所收捐款均著隨時奏報以憑查核西征軍餉竭各省之力以供應用左宗棠當節節支發毋稍糜費該大臣前請撥四百萬現已酌撥至三百萬兩不為不多合之原協各餉及收捐數目每年統計玖百伍拾餘萬兩該大臣原請銀數能否核減即著迅速覆奏並將各營需餉實在數目分別詳細奏聞釐金一項既據各該省奏報每年減收已不下數百萬兩若辦理不善經費將何所出各該督撫仍須悉心酌核力除中飽毋得徒博虛譽率行減免遇有局卡太密重複徵收者仍隨時裁汰懲辦其釐金報部章程仍照兩淮鹽釐半年奏報一次著馬新貽將開報式樣抄錄咨行各該省查照辦理原摺片均著挾給閱看另片奏遵議穆圖善請催撥餉等語湖北省奉撥甘肅餉銀貳拾萬兩據郭柏蔭奏報已如數批解著穆圖善查明此項撥款是否收到專案報部查核尚未收到即著派員迎提左宗棠前借洋款貳百萬除已提撥銀貳拾萬兩解甘外其餘應分甘省若干著左宗棠趕緊核算將應分甘省之款陸續撥給其指撥各海關六成洋稅壹百萬兩業據各關奏報批解過半並著該大臣分半勻給甘肅省毋稍延欠四川應解甘省鹽釐銀貳拾萬兩現在解到若干著左宗棠穆圖善查明迅速報部並著吳棠迅將此項銀兩掃數解清毋許推諉其河南等省應協甘餉銀即著戶部開單分投嚴催毋任延宕將此由六百里諭知左宗棠李鴻章穆圖善馬新貽英桂瑞麟吳棠丁日昌劉坤一李瀚章卞寶第郭柏蔭李福泰並傳諭吳坤修知之欽此

回逆全股東犯迎勦大捷首逆就殲摺

奏為回逆全股東犯官軍迎勦大捷首逆就殲據實馳陳仰祈

聖鑒事竊董志原回逆號稱十八營其

中回酋如陳琳崔巍禹得彥馬正和白彥虎于彥祿等皆擁眾萬餘素稱剽悍近因分股出掠均被官軍擊敗饑蹙日甚屢次乞撫復無成議遂糾集十八營傾巢東犯以陳琳馮君福居前崔巍于彥祿馬正和藍明泰等繼之其餘逆首隨後策應共合悍黨三四萬各裹十餘日乾糧於初六日分道竄出屯器正甯南北兩原及永樂堡白吉原宮河原一帶勢將逕犯邠州三水併力以擾秦川初七日新授陝安道黃鼎在邠州聞報即飛飭總兵徐占彪率駐涇北世店之五營伏牛家堡以扼其衝而調集所部彝字全軍由邠州繼發一面函約知府劉倬雲自三水之職田鎮固原提督雷正綰自長武之政平鎮兩路會剿是日午刻賊前隊數百騎馳上世店至牛家堡伏發立斃數賊陣斬先鋒虎麻子生擒四人餘眾驚走官軍追至原邊賊大股萬餘自白吉原擁出徐占彪以兵力過單扼溝而守是夜黃鼎親率全部渡涇與世店五營合駐沿途遙見白吉宮河一帶號火燭天亘綿數十里知賊勢眾其傳令各營飽餐嚴陣以待初八日平明大風東來回騎十餘由洪巖河上世店乘風馳驟黃鼎飭各營堅壁勿動將俟其大股廣集突出擊之待至午間賊無踵至者遂令馬隊衝出賊即反奔官軍追下洪巖河賊紛向白吉原奔竄沿途拋棄騾馬以誘我師黃鼎急令各營整隊勿顧悉力跟追甫上白吉原即見陳琳馮君福率騎賊千餘擁至官軍奮力衝撲賊且戰且走追十餘里至白吉鎮忽前途塵土蔽天回逆大隊馬正和于彥祿等分十數路蜂擁而至每路約壹貳千人橫亘十餘里同時張村底廟之間伏賊並出陳琳馮君福亦回馬猛撲而前黃鼎念已深入急令總兵韋占雄副將趙興隆遊擊林定遠等率左右各營以敵陳馮兩逆面令總兵徐占彪副將李壬春叅將劉心灼遊擊何王超等率止副前後各營以當于彥祿馬正和大隊自率縣丞青勝藍主簿謝初旭督中軍繼進以防伏賊包抄布置甫定賊已四合官軍團結方陣周圍鎗炮環擊而前賊死傷枕藉紛紛敗退馬隊乘勢衝殺步隊繼進逼至原邊賊見事急合隊回撲崔巍于彥祿等各率悍賊回馬來衝勢甚兇悍黃鼎見馬隊少却急督步隊猛進號鼓齊鳴叅將胡應芳趙嗣昌督矛手直衝入賊陣截賊為兩段馬隊繼出鎗轟矛擊斃賊百餘賊大敗官軍分道跟追逼一股至高里坊前阻深溝賊無走

路逆首于彥祿率眾死拒連放數鎗副將劉治均躍馬挺矛直前刺落馬下官軍羣矛攢刺割取首級其姪于驢兒馳救復被遊擊朱蘭亭衝出擒之餘逆數百四散奔逃官軍圍而殲殲無得脫者其時崔魏馬正和等望見勒馬馳救官軍乘勝衝擊縱橫盡決賊不能支大敗奔潰同時章占雄等亦將陳琳馮君福擊敗合隊跟追賊分路狂奔陳琳等走政平大股悉向宮河原竄去初九日大雪滿川追至宮河永械盡濕賊前隊已竄早杜官軍沿途搜剿自辰至午復截殺尾隊數大隊連夜竄回老巢計是役黃鼎一軍共斃貳拾餘名陣斬首逆于彥祿及回目虎麻子楊式明等數十名生擒回目于驢兒等陸拾貳名奪獲驃馬肆百餘匹旗幟軍械無算我軍僅受傷五名而已先是固原提督雷正綰得黃鼎函約初八日卽由長武率隊出政平未刻卽見陳琳馮君福等十餘騎奔回望見官軍駭而北竄雷正綰麾軍截擊賊奔路向宮河狂奔官軍乘勝窮追殲賊甚眾初九日正拔隊赴宮河助剿忽中途接據探報回苗禹得彥祿數千騎南渡涇河由窰店入黑河川竄至靈臺之獨店柳家鋪一帶遂急收隊折回初十日抵長武之十五里鋪探賊尚在獨店攻掠塞堡雷正綰策賊必不虞官軍之速至也卽令各軍飽餐五鼓乘雪夜掩擊于十一日黎明馳抵獨店鎮賊尚未覺總兵陳義閣定邦等分數路大呼馳入賊多不及鞍馬倉卒奔逃官軍奮力衝殺斃賊三四百名奪獲驃馬千計沿途跟蹤追剿擒斬甚多賊向西屯什字鎮一路狂奔十三日甘肅按察使張岳齡自汧陽上店邀擊於新集鎮復有斬獲餘賊悉向鄭家岸崇信一路折竄回巢臣等竊維回逆以糧盡力竭之餘出萬死一生之計大舉深入兗狡實異常仰賴 皇上德威將士用命日夜苦戰大挫兇鋒現據陝安道黃鼎詳到逆苗于彥祿首級及生擒回目于驢兒等三十餘名到臣宗棠乾州營次臣逐一提訊多係七八年捻惡積匪兇狠異常當經擇其尤悍者十九名立予駢誅並于彥祿首級傳示西同鳳被害地方百姓夾道歡呼觀者如堵洵足以伸 天討而快人心此次各營員弁勇丁忍饑廕戰晝夜窮追不遺力實屬著有微勞而黃鼎一軍殲斬逆渠尤為異常出力應請先予獎叙以顯殊尤茲據開單呈請保獎前來臣等覆核無異謹附片陳補用總兵兵堅勇巴圖魯徐占彪補用總兵長勇巴

圖魯章占雄請仍以總兵記名遇缺儘先題

奏並請

賞加提督銜記名總兵趙勇巴圖魯趙嗣昌請

賞加提督銜儘先副將壯勇巴圖魯李王春儘先副將力勇巴圖魯陳萬春儘先副將趙興隆劉治均請

免補副將以總兵儘先補用趙興隆劉治均并請 賞加勇號儘先副將銳勇巴圖魯皮昌魁請以總兵

升用副將銜儘先叅將胡應芳劉心灼請免補叅將以副將儘先補用儘先遊擊果勇巴圖魯林定遠儘

先遊擊著勇巴圖魯何玉超儘先遊擊黃虎臣請免補遊擊以叅將儘先補用黃虎臣並請 賞加勇號

都司朱蘭亭請以遊擊儘先補用並請 賞加勇號五品銜儘先即選縣丞青勝藍請免選本班以知縣

留於陝西儘先即補並請 賞戴藍翎候選主簿謝初旭請免選本班以縣丞留於陝西儘先補用並請

賞加五品銜其餘各營員弁勇丁可否准臣等擇尤彙案保獎以昭激勸之處出自 天恩所有回逆

全股東犯官軍迎剿大捷逆首就殲情形謹合詞據實馳 奏此摺係由臣宗棠主稿於乾州拜發合併

聲明伏乞

皇太后

皇上聖鑒訓示施行謹

奏同治八年二月二十三日

同治八年二月二十三日內閣奉

上諭

左宗棠等奏回股東犯官軍迎剿大捷請將出力各員獎勵一摺甘肅董志原回逆陳琳等糾集悍黨

傾巢東犯本月初六日分道竄踞正甯南北兩原及永樂堡王曰吉原宮河原一帶經陝西陝安道黃鼎由

邠州率軍進擊並約提督雷正綰等入各路會剿黃鼎親率全部渡河嚴陣以待逆首陳琳馮君福率騎賊

千餘至王曰吉原衝撲馬正和于彥祿等逆分十數路蜂擁續至每路約二千人橫亘十餘里黃鼎令總兵

章占雄徐占彪等分路迎敵自率中軍繼進賊股四合官軍結方陣環攻泰將胡應芳等衝入賊陣截為

兩段馬隊繼出斃賊百餘賊大敗官軍分追副將劉治均刺斃逆首于彥祿其姪子驢兒馳救遊擊朱蘭

亭復出擒之餘逆逃散與崔巍陳琳等逆同時敗竄回巢是役共斃賊二千餘名陣斬首逆及回目數十

名生擒六十餘名雷正綰軍馳至獨店鎮及按察使張岳齡邀集於新集鎮均有斬獲剿辦尚屬得手所

有尤為出力之總兵徐占彪章占雄均著仍以總兵記名遇缺儘先題奏並 賞加提督銜趙嗣昌著

賞員加提督銜副將李王春等四員均著免補副將以總兵儘先補用內趙興隆並賞給張勇巴圖魯名號劉治均並賞給効勇巴圖魯名號皮昌魁著以總兵升用叅將胡應芳等二員均著免補叅將以副將儘先補用遊擊林定遠等三員均著免補游擊以叅將儘先補用內黃虎臣並賞給楊勇巴圖魯名號都司朱蘭亭著以遊擊儘先補用並賞給効勇巴圖魯名號縣丞青勝藍著免選本班以知縣留於陝西儘先即補並賞戴藍翎主簿謝初旭著免補本班以縣丞留於陝西儘先補用並賞加五品銜其餘出力員弁著准其擇尤彙案請獎該部知道欽此

覆奏刑部咨查拏獲回黨丁良貴片

再臣宗棠於本月二十二日准刑部咨開步軍統領衙門奏送拏獲置買軍械回黨丁良貴馬太平等所供係隨同馬化澂投誠回民在甘肅靈州金家堡馬化澂所開順慶源萬興魁雜貨舖幫夥每年來京辦貨此次丁良貴售買洋鎗係因穆圖善營官弁姜姓尋賈帶回漁利並無別情查閱起獲領銀原摺印有萬興魁圖記與犯供無異惟當回逆未靖該犯皆係回民潛至京師難保非借辦貨為名代賊偵探消息且該犯等私辦洋鎗尤恐有濟賊情事非行查明確不足以成信讞請旨飭下署陝甘總兵穆圖善詳細查明屬實迅即覆奏

同治七年八月十九日奉

旨依議欽此當經飛行該署督查明覆奏旋於十二月初五日復飛催各

在案迄今半載仍未據查覆咨即查明覆奏一面飛咨報部等因准此臣宗棠查投誠回民馬化澂所

居金積堡或稱金雞堡其地南與董志原逆巢相距不遠中有回莊十數處陝甘回族雖分隸兩省而氣

類相通無分彼此自昔已然現在軍中屢次陣擒回逆所有洋鎗洋藥戰馬均供由馬化澂自歸化城一

帶販來銷售董志原賊巢內蕭金鎮等處開市設鎮貿易所有百貨均自金積堡運販而來此次奪獲逆

首于彥祿所騎之戰馬據逆姪于驢兒所供即係馬化澂用銀七百二十兩買來餽送于彥祿者又據探

報董志原賊巢糧食將絕馬化澂於二月初用駱駝一千五百餘隻駝運糧食濟賊喉其畏糧入犯是馬

化潯陽雖就撫陰竇助逆情事確鑿了無疑義都察院等獲置買洋鎔之犯刑部所奏恐有濟賊之事洵屬推勘得實應請 旨飭下刑部丁良貴馬太平研訊確供照律懲處以昭炯戒查逆回糧食鎔炮子

藥戰馬均由金積堡販運而來而金積堡販運之貨均從化城包頭一帶轉運前此包頭曾盤獲回逆買馬之事是其明證應懇 天恩飭下綏遠城將軍歸化城副都統督飭五廳嚴密盤詰遇有甘肅採買

買糧食戰馬鎔砲等項非持有穆圖善委員印文一概禁止轉運以昭慎重是否有當伏候 聖鑒訓示施行謹 奏同治八年二月三十日

請 飭催江海粵海關欠解銀兩片

再臣自上年八月率師西旋蒙 恩俯念西征餉稍缺欠 飭撥六成洋稅一百萬兩藉資接濟迄今

已二月下旬惟閩海關二十萬兩江漢關十五萬兩浙海關五萬兩均已陸續解清其江關五十萬兩僅

解到十五萬兩粵海關十萬兩僅准報解二萬兩統計江海粵海尚短四十八萬兩之數臣軍西行將屆六

箇月各軍欠餉以五六月箇不等待哺嗷嗷無可設措臣上海採運局道員胡光墉聞臣軍情形迫切

勉於十二月內向親友借貸浙庫平銀十五萬兩滙解來秦臣軍暫容敷衍尚未詳潰然究屬杯水車薪

前欠後空早已告罄可否仰懇 飭下兩江督臣馬新貽撫臣丁日昌與海關監督師曾趕緊儘數起解

暫支危局出自 天恩理合附片陳明伏乞 聖鑒謹 奏同治八年二月二十三日

軍機大臣 字寄同治八年二月十三日奉

上諭穆圖善奏收復肅州大概情形請將出力員弁獎勵並錄肅州回目原稟暨運繕地圖附陳甘省兵勢

賊情餉事擬由川省招募兵勇請飭成祿自設糧臺金順回駐花定各摺片覽奏均悉所陳收復肅城

情形與成祿前奏大畧相同其隨同收復州城之提督陶世寶等本日已明降諭旨照所請分別獎勵

矣前諭楊占鰲隨同成祿出關剿賊惟現在肅城新復一切善後事宜亟須布置該署督卽飭楊占

鰲暫駐肅州會同該鎮道等悉心籌辦毋令再生事端甘州金塔等處匪蹤未淨並著該署督飭令李子守

愚等相機布置以靖地方所有安肅道信印前已飭部頒給其鎮州印信並已諭禮部另鑄頒發俾資信守至回目票內所稱沙州口外各回民奉烏魯木齊安老阿渾送書來肅寄來帥印二顆其中有無別項情節成祿現在出關卽著就近查明斟酌辦理其餘稟訴各情亦著穆圖善隨時體察以消反側成祿統軍西行本無定所應於何地方設糧台便於呼應之處仍著該提督自行派員督辦該軍需用糧餉著左宗棠於撥給甘餉內分籌該軍的餉數成毋令缺乏穆圖善亦當於甘餉解到時按照左宗棠所籌成數遵解成祿糧台不可意在歧視四川等省每年應協成祿軍餉卽著戶部查照原撥有分迅速咨催前解金順現已移紮定邊花馬池一帶卽著督飭所部兵勇實力防守遏賊東趨磴口糧台是否被回匪全搶著左宗棠穆圖善庫克吉泰定安鄭敦謹劉典查明實在情形具奏委各員烏勒西布等下落並著穆圖善飭員查辦甘省兵勇缺額太多由四川招募充補能否得力糧餉能否接濟著該署督酌度辦理甘民困苦已極該署督自當妥籌良策用就救平不得以餉絀兵單為辭稍存該卸左宗棠已行抵乾州於甘省情形知之較易該署督便將兵數賊情彼此和衷商辦迅奏廓清以紓厯系圖二件著留覽穆圖善奏磴口糧台被搶一片著抄給左宗棠庫克吉泰定安鄭敦謹劉典閱看將此由六百里各諭令知之欽此

軍機大臣 字寄同治八年二月二十五日奉

上諭前據左宗棠奏請於陝甘餉項外專款指撥西征實餉當交戶部議奏茲據該部奏稱各省專協左宗

棠劉典穆圖善軍營月餉皆同治六年以前奏定數目此外另協之款如指撥洋稅二百萬兩接濟左宗

棠軍餉及劉松山郭寶昌協餉尚不在內本年二月間添撥安徽等省七省釐金三百萬兩原係歸併核

議令各省轉解左宗棠軍營充收酌協陝甘兩省之用未便另令西征實餉等語各省報解協餉遲速多

寡難免參差若必區定協餉界限彼此不能通融則各路軍營餉需必至此絀彼盈中多軒輊左宗棠總

統師于陝甘兩省皆該大臣管轄自應將兩省軍需通盤區畫隨時勻撥接濟不必強分界限亦無庸稍

避嫌疑各省關前後奉撥陝甘軍餉除專解穆圖軍營及秦州銀每年一百二十萬兩仍解甘肅外其原撥左宗棠協餉每年三百三十餘萬兩劉典協餉每年六十萬兩及本年添撥各省釐金三百萬兩均仍由左宗棠兌收以一事權該大臣務將各軍一切餉需酌量緩急撥濟並分助甘肅之用不得置穆圖善軍營於不顧至各該省關原撥陝甘兩省各路軍營餉項及安徽等七省本年添撥陝甘軍餉銀兩著戶部咨催各該省有力籌報解倘任意延欠即由該部指名嚴參原摺著抄給左宗棠閱看至郭寶昌軍營不敷已照戶部所議諭令吳坤修每月再添撥一萬一千兩連前撥二萬五千兩並原撥湖南改由皖省籌解之五千兩共銀四萬一千兩按月一併解往郭寶昌軍營山西月協之一萬兩亦諭鄭敦謹按月籌解此外製造轉運軍火軍裝等費即著左宗棠酌量籌給該大臣當督飭郭寶昌奮勉圖功毋得糜餉老師是為至要將此由五百里各諭令知之欽此

追剿逆回蕩平董志原賊巢軍叛勇戕害主將業經殲除大畧情形摺

奏為官軍追剿逆回蕩平董志原賊巢現正窮追叠獲大勝尚未收隊果軍叛勇戕害統將業經殲除現捕首逆先將大畧情形馳報仰祈 聖鑒事竊回逆全股東犯竄軍迎剿大捷逆首就殲業經臣等於二月二十三日由驛馳奏此次之捷逆酋于彦祿陣斬外斃各悍目實多回酋馬正和亦帶傷而逃賊回巢後恟懼益甚始下偽令挈眷先徙金積堡以悍賊殿後拒官軍繼復議暫勿移巢而賊中自縊者紛紛不能禁遏各路調報相同臣等諸路統領急將糧料運足伺賊竄動則追之慮各路銳進而賊或分支擾我後路也復令各留四成隊於後以期慎密又慮各軍分布數百里未能克期畢赴則飭各軍機而進但覘賊動即各銳進追之母懷觀望以致自相牽制運掉不靈二十二日探報賊之輜重婦女老幼已竄動而悍賊則仍扼太昌鎮二十三日雷正綰黃鼎馬德順二品頂戴留陝補用道李耀南率馬步各軍由長武縣分三路直搗太昌鎮即於是日師進三不通地方二十四日進西峯鎮蕭金鎮鎮原縣五塢寺三汊河等處二十五日進驪馬關北十五里白馬鋪追殺悍回實一萬數千名拔出被虜漢民男婦數千復由

白馬鋪越祭店追殺至慶陽府沿途賊屍枕藉人馬之隊墜崖倒斃糧盡餓斃者不可數計現在乘勝窮追尚未收隊所有各軍獲勝詳細情形容俟續報察看賊踪由西而北徑趨金積堡諸軍躡追甚急其老弱婦女輜重縱盡達金積堡繼後之悍賊必可殲除淨盡機勢實為順利臣宗棠既飭各軍分路前進正擬率親軍進邠州忽於二十二夜得臣劉典急報甘肅提督高連陞所部弁勇忽變二十夜三更有賊數百圍高連陞楊店營帳將高連陞戕害營官總兵銜副將賀林提督銜總兵黃毓觀聞變救援均同時遇害叛卒既戕統將即偏脅各營各營之預謀者起而應之倉卒之頃營哨各官不知所為二十二日駐金積關之副將後營營官楊銘濬聞變帶所部馳援行過同官要同官守將逆擊桂錫楨與俱甫行十餘里遇楊店逃出弁勇告知統將被戕營官募友均已遇害叛卒已脅各營為亂將趨同官脅馬隊營報糧局趨金積關脅副後營楊銘濬帶十餘騎折回同官而所部步隊在後桂錫楨帶所部馬隊急回同官布置城守少頃叛卒大至繞西北兩面大聲而呼城上無應者楊銘濬在城上瞥見所部副後營旗幟亦直立不動異之遽下城招呼就列甫入隊中隊中亦呼殺營官楊銘濬甫上馬矛已及其左足桂錫楨在城上瞭見知副後營亦變遽城下率隊衝入副後營後哨哨長泰將龍恩恩及未與逆謀各弁勇擁楊銘濬出擊鎗挺予拒追者楊銘濬桂錫楨遂同入城登陴固守叛卒環逼城下桂錫楨禦之鎗礮對施斃賊數十名其攀援上城者皆經刀矛所刺紛紛墜下楊銘濬龍恩恩亦各手刃兩賊自是日已交午二十二日卯刻叛卒徹夜猛撲桂錫楨憑城擊殺數百名奪獲木梯三百二十餘架天明賊退桂錫楨開城追剿斃賊八十餘名生擒叛卒十一名正酣戰間伏賊從東西兩溝突出桂錫楨面被矛傷右手受石傷猶縱橫血戰賊仍敗走是日辰刻記名提督周紹濂聞變率所部中前右三營行隊迅赴古泉適叛卒蜂擁而至周紹濂督副將劉甫田同知張權英副將周玉林等分路堵剿立斃騎賊十餘步賊數十賊始潰遁官軍遠進古泉空壘叛賊仍敢圍壘猛撲均經劉甫田總兵重玉春及各哨長付長悉力擊退乘勝躡追計共斃賊三百數十名繳出軍器伏地自投者五百餘名而官軍已陣亡十四名帶傷者四十餘名蓋亦甚

戰矣二十三日桂錫楨復派馬隊兩哨進攻金鎖關米子密擒斬多名叛卒望風而靡臣劉典聞變之初立派記名提督丁賢發率所部進耀州犯其南竄是日卯刻抵耀適叛卒已經桂錫楨周紹濂等擊敗其兇悍之尤甘心為逆者擒斬殆盡其倉卒被裏繳械來投者四百餘名丁賢發收之其分駐馬欄鎮之果軍後營營官副將李瑞林前營總哨王光發於軍變時恐眾心不固緘請福建候補知府劉倬雲赴馬欄以資鎮壓二十二日劉倬雲率所部三營及親兵中哨馳赴馬欄傳集弁勇諭以大義毋得受人愚弄自干刑誅二十三日率之同歸職田鎮李瑞林派弁勇赴楊店截高連陞遣該得之昇歸職田二十四日總兵張福齊截擊叛逆餘黨於馬欄鎮賊已散盡收輯被脅者百五十餘名是夜三更劉倬雲聞叛卒有趨山河鎮入董志原者急率所部截之山河鎮二十五日已刻抵山河適回逆白虎郭阿潭餘黨馬步約數百來窺山河劉倬雲合軍士部號衣扮叛卒前往誘之比以大隊轟擊擊回逆四十餘名生擒回目許阿宏等十四名訊據共稱叛逆約其來迎不料為官軍所敗也通計高連陞所部馬步九營除桂錫楨馬步全營殺賊立功外李瑞林所帶後營正前營總哨王光發所帶三哨及各營弁勇從叛軍中衝出來投者共又收集五營其已經官軍擒斬者十餘名事已大定訊據生擒叛勇及賊中逃出勇弁共稱二月初旬高連陞因各營收留外來游勇甚多中有哥老會匪藏匿各營哨嚴察懲辦勒令首悔而前營親兵丁玉龍畏罪倡亂喉各營之曾經入會者勾約回逆於二月二十八日入犯因而舉事逼高連陞捕丁玉龍甚急丁玉龍竄入左營與左營管軍裝差弁鄒宏勝即鄒麻子哨長朱德達右營哨將宏高前哨什長石文科等迫不及待密謀於二十日夜三更藉索餉為名逕赴高連陞楊店營次致此異變其時各營未預逆謀之勇弁均以變起倉卒被其脅制幸桂錫楨周紹濂扼之同官古泉疊加痛剿叛黨駢首就戮而未變各弁勇始得自拔來歸計該軍謀變起事未及五日即以撲滅而剿回之師自太昌為家堡起追過三不通蕭金鎮西峰等處直抵慶陽府城凡董志原賊巢無不窮追逼到一律肅清叛逆無可勾之回回逆亦無可勾之叛而異變旋銷大局敦靜此固非臣等意料所及也現飭將未變各弁勇概行收輯歸併成營

以便從容編審淨絕根株其同時遇害之各員弁勇丁應俟確查後再請

恩卹逆黨陳恒貴黃起昌鄧得

勝熊益等能兆祥匪世明黃秀成王永春張連芳等均經訊明斬梟其首逆是否已經擒斬尚未據各軍稟報現通飭各州縣營汛及渭河水師潼關荆紫關各防軍嚴密巡察務獲盡法懲處以申軍令而雪高連陞及遇害各員之恨伏念甘肅提督穆特本巴圖魯高連陞從軍楚粵屢著戰功蒙

之崇顯皇帝天恩擢廣東右江鎮總兵臣宗棠於咸豐十一年入浙時調其隨征克復湯谿縣金華府城及浙江省城湖州府城浙江全省肅清復追剿首逆李世賢汪海洋由江入粵克復廣東鎮平縣城嘉應州城其時已蒙 皇上天恩擢授廣東陸路提督臣宗棠念廣東亂民過多制兵又不足恃於班師回閩

時

奏請 飭高連陞赴廣東陸路提督新任以資整理高連陞在任殲除土客各匪聲績卓著適臣調

督陝甘高連陞緘牘頻來堅求同剿回逆臣宗棠 奏調赴陝蒙 恩調任甘肅提督高連陞感激圖報

剿擒剿回無戰不克身為大將臨陣輒躍馬爭先恥居士卒之後又收隊論功輒推獎諸軍若未嘗預其

事者為人廉靜樸訥待士卒有恩自奉最約任實缺提鎮多年廉俸均充公用臣宗棠臣典近因其家無

擔石兩親尚在甘旨缺如擬各分廉餘之為薄謀救水聊資贍養而高連陞以久餉已父義不可先顧已

私堅辭不受其節概如此以該提督忠勇廉讓宅心寬厚如此不死於賊而死於二三逆豎之手此則臣

等所不解者也合無仰懇 皇上天恩飭部照提督陣亡例議給卹典 俯允賜諡並 宣付史館

立傳以彰戰績該提督轉廣西浙江福建廣東陝西各省勞績卓著其立功之地可否 准建專祠以示

恩褒而昭激勵伏候

皇太后

皇上聖鑒訓示施行謹 奏同治八年三月初一日

老湘軍叛勇龔路綏德州調軍進剿片

再臣等連日辦理果軍叛勇一案甫將就緒二十六日忽接劉松山所部駐山西永寧州軍渡之營帶中

軍三旗提督何作霖飛報本月十三日已刻有勇自丁綏德州來據稱駐紮綏德州之前軍後旗勇丁因

遷結哥老會經該營官查出縛犯將按軍令忽該營勇丁蜂起奪犯左軍四旗弁丁從而附和右旗後旗

及馬隊四營繼起應之當初劉松山所設綏德州城糧局何作霖聞變慮駐西岸宋家莊之五旗被其勾煽乃調過東岸以便鈐束十六日已刻叛卒東來軍渡對峙揚旗吶喊意似勾引東岸之三旗五旗何作霖令三旗五旗勿動仍開礮轟之叛卒遠退探報劉松山所駐綏德州城外者同時俱變分統之提督易德麟蕭章開提督蘇松鎮總兵章合才及馬步各營官有離營者有被叛卒脇制入城者惟營務處提督黃萬友堅不入城叛卒亦不敢逼現仍駐城外然隨身僅親軍二十餘人無如何也旋據前署綏德州知州道銜知府成定康十六日自延川之虎兒塢發稟據稱十三日辰刻湘軍突變襲距州城十四日成定康帶隊衝出是日叛卒追至石家溝將成定康圍住是夜五更成定康突圍而出殺叛卒甚多而官軍亦陣亡五十餘人十五日行五十里至東坪將赴清湖叛卒復截阻去路成定康繞出店子溝以向虎兒塢擬於十七日赴延水關註紮續據署綏德州知州陳瑞芝自州城外二十餘里周家河稟報情形及派赴永寧綏德買軍糧甘肅寧州府知府朱學為所稟大略相同尚未接到劉松山緘牘蓋相距千餘里北山各州縣尚無驛站文報必繞由山西馳遞陝省中多梗滯也惟劉松山全軍糧路專在軍渡其地屬山西永寧州當綏德州正東茲州城為叛卒所踞而該軍採儲之糧存西岍宋家莊者乘機劫奪劉松山勢難直趨綏德州非繞由延川之延水關就糧不能前進也現據延安府縣稟報劉松山已抵延安矣臣前因高連陞果軍潰叛檄調郭寶昌分撥數營由洛川中部一帶進剿茲果軍叛卒既平而綏德州復有叛卒陷踞州城之事局勢既更不得不隨宜布置已飛飭郭寶昌迅由宜川進延長延川會同劉松山成定康進剿宋慶一軍已到神木亦檄其由神木南趨相機進剿一面飭何作霖嚴扼軍渡一面咨山西撫臣飭山西已革臬司陳湜嚴防偷渡又全福馬隊一起已據報正月十九及二十九日起程計此時已行抵直隸應懇 天恩飭下直隸臣山西撫臣札知全福由汾州永寧州過河隨同劉松山進剿其後永寧州所需餉糧馬乾臣等已飭汾州永寧採運局員預備矣全福郭寶昌宋慶曾與劉松山共事最稱契合當可相與有成也事變紛乘倍形跋扈謹當心商權慎以圖之所有綏德勇變現籌布置情形謹附片具 奏伏乞

聖鑒訓示施行謹 奏同治八年三月初一日

軍機大臣 字寄同治八年三月初七日奉

上諭左宗棠劉典奏官軍蕩平平董志原賊巢果軍叛勇戕害統將並緝德勇變情形各摺片董志原回匪登

經官軍懲創潛謀竄遁經雷正綰黃鼎督軍追剿自太昌務家堡起直抵慶陽府城斬賊盈萬沿途賊巢一律肅清在賊蹤徑趨金積堡正可乘其喘息未定痛加剿洗著左宗棠劉典飭令各軍節節進剿毋稍鬆勁追軍既經深入仍當策應後路以助聲援不可稍涉大意所有各軍獲勝情形並著詳細奏聞果軍營勇變亂提督高連陞被戕本日已明降諭旨照請卹矣此次變起倉猝經周紹濂等扼之同官古泉叛黨殲除殆盡辦理尚為迅速首逆丁玉龍是否在逃必須嚴拿務獲拿獲後治毋任漏網繼德州叛勇情形前已據金順鄭敦謹先後奏報諭令左宗棠等速籌戡定現在郭寶昌宋慶等均已前進兵力甚厚著左宗棠劉典飭令劉松山會合各軍迅速圍剿勿任旁竄其軍渡一帶著鄭敦謹飭令陳湜嚴密守禦以防偷渡陝省各營旬日之間勇丁兩變殊屬不成事體左宗棠身統師于青無旁督應如何整頓營規撫馭將士豫籌彈變之方務當悉心籌畫以固軍心而杜後患全福馬隊計已行抵直隸境內著曾國藩鄭敦謹催令由山西汾州永寧州過河隨同劉松山進剿毋稍遲延將此由六百里各諭令知之欽此

同治八年三月初七日內閣奉

上諭左宗棠等奏提督大員被害懇恩賜卹一摺甘肅提督高連陞自咸豐初年從軍在廣西湖南剿辦賊

匪嗣復轉戰浙江福建廣東等省叠克城池殄滅李世賢汪海洋巨股卓著戰功迨經左宗棠調陝陝西由廣東陸路提督調任甘肅提督追剿回捻身先士卒所向有功著屬忠勇性成深資得力乃因查拿叛勇倉卒被害殊堪憫惻高連陞著交部照陣亡例議卹並加卹卹其從前戰績著宣付史館立傳並心於廣西浙江福建陝西廣東等省立功處所建立專祠以慰忠魂另片奏請將剿除叛勇出力各員獎勵

等語擬督周紹濂著實換法什尚阿巴圖魯名號游擊桂錫楨著以叅將留於福建補用並賞加副將銜
周紹濂桂錫楨所部出力員弁著准其擇尤保獎毋許冒濫欽此

